



MEMORANDUM O SARADNJI I ZAJEDNIČKOM DJELOVANJU ZA BOSNU I HERCEGOVINU

Strateški okvir za povezivanje suradnju bosanskohercegovačkih organizacija i pojedinaca u domovini i dijaspori "Plan 7"

PREAMBULA

Vođeni odgovornošću prema Bosni i Hercegovini kao suverenoj, međunarodno priznatoj, multietničkoj, multireligijskoj i demokratskoj državi ravnopravnih građana;

Svjesni potrebe za snažnijim povezivanjem bosanskohercegovačkih organizacija, zajednica i pojedinaca u zemlji i inostranstvu;

Uvjereni da bosanskohercegovačka dijaspora predstavlja vrijedan društveni, intelektualni, kulturni i razvojni potencijal;

Opredijeljeni za saradnju zasnovanu na međusobnom poštovanju, povjerenju, odgovornosti i zajedničkom djelovanju u interesu države Bosne i Hercegovine;

Glas za Bosnu vas poziva na saradnju i zajedničko djelovanje.

Član 1.

Svrha Memoranduma

Ovim Memorandumom preporučuje se okvir saradnje radi povezivanja bosanskohercegovačkih organizacija i pojedinaca u domovini i dijaspori, s ciljem jačanja međusobne koordinacije, razmjene znanja i iskustava, te razvoja zajedničkih inicijativa od značaja za Bosnu i Hercegovinu.

Član 2.

Zajednički ciljevi

Potvrđujemo opredijeljenost za:

- afirmaciju Bosne i Hercegovine kao jedinstvene, demokratske i nedjeljive države,
 - jačanje saradnje između organizacija i pojedinaca u zemlji i inostranstvu,
 - razvoj kulture dijaloga, solidarnosti i međusobne podrške,
 - zaštitu i promociju društvenih, kulturnih i demokratskih vrijednosti Bosne i Hercegovine,
 - podsticanje aktivnog učešća građana u procesima od javnog interesa,
 - uključivanje mladih, stručnjaka i društveno angažiranih pojedinaca u zajedničko djelovanje.
-

Član 3.

Načela saradnje

Saradnja u okviru ovog Memoranduma zasniva se na sljedećim načelima:

- međusobno poštovanje i povjerenje,
 - ravnopravnost učesnika,
 - otvorenost i inkluzivnost,
 - očuvanje autonomije svake organizacije i pojedinca,
 - odgovornost u javnom djelovanju,
 - posvećenost općem dobru Bosne i Hercegovine.
-

Član 4.

Oblasti saradnje


Saradnja se može ostvarivati kroz:

- redovnu komunikaciju i koordinaciju,
 - razmjenu informacija, iskustava i stručnih kapaciteta,
 - zajedničke projekte, inicijative i javne aktivnosti,
 - organizaciju stručnih, kulturnih, obrazovnih i društvenih programa,
 - aktivnosti usmjerene na jačanje veza između dijaspore i domovine,
 - podršku demokratskoj i građanskoj participaciji.
-

Član 5.

Strateški okvir djelovanja

Platforma **Glas za Bosnu** razvija svoje djelovanje kroz okvir **Plan 7**, koji obuhvata sedam međusobno povezanih oblasti od značaja za Bosnu i Hercegovinu i njene građane.



SEDAM SEGMENTATA – „Plan 7“

1. Politički angažman
2. Privredni angažman
3. Edukativni angažman
4. Kulturno - sportski i angažman
5. Medijsko - informativni angažman
6. Pravno - sigurnosni angažman
7. Duhovno - socijalni angažman

Ovaj okvir predstavlja osnovu za dugoročno, organizirano i usklađeno djelovanje, te može biti dodatno razrađen kroz posebne programske i operativne dokumente.

Član 6.

Politička i građanska participacija

Prepoznamo važnost političke i građanske participacije državljana Bosne i Hercegovine, posebno građana koji žive izvan domovine.

U tom smislu, podržavat će se aktivnosti usmjerene na:

- informiranje građana o njihovim pravima i mogućnostima učešća u demokratskim procesima,
- **motiviranje za registraciju i učešće na izborima,**
- jačanje svijesti o odgovornosti prema demokratskom razvoju i budućnosti Bosne i Hercegovine.

Član 7.

Karakter Memoranduma

Ovaj Memorandum ima karakter dobrovoljnog okvira saradnje i ne uspostavlja odnos hijerarhijske podređenosti.

Udruženja zadržava vlastitu autonomiju, organizacioni identitet i pravo na samostalno djelovanje.

Član 8.

Pristupanje i primjena

Memorandumu mogu pristupiti organizacije, udruženja, mreže, inicijative i pojedinci koji prihvataju njegove ciljeve i načela.

Zürich, 15.05.2025

Glas za Bosnu

